॥ मृत्युञ्जयहोम-मन्त्राः॥

अपैतु मृत्युर्मृतंत्र आगंन्वैवस्वतो नो अभयं कृणोतु। पुर्णं वनस्पतेरिवाभिनः शीयताः रियः स च तान्नः शचीपितः। परं मृत्यो अनु परेहि पन्थां यस्ते स्व इतरो देवयानात्। चक्षुष्मते शृण्वते ते ब्रवीमि मा नः प्रजाः रीरिषो मोत वीरान् ॥ वातं प्राणं मनसाऽन्वा रभामहे प्रजापितिं यो भुवनस्य गोपाः। स नौ मृत्योस्त्रीयतां पात्वः हसो ज्योग्जीवा जरामशीमहि॥

अमुत्र भूयाद्ध यद्यमस्य बृहंस्पते अभिशंस्तेरमुंञ्चः। प्रत्यौहतामुश्विनां मृत्युमंस्माद्देवानांमग्ने भिषजा शचीभिः॥

हरि<u>श्</u> हर्रन्तमनुयन्ति देवा विश्वस्येशनि वृष्मं मेतीनाम् । ब्रह्म सर्रूपमनुमेदमागादयनं मा विविधीर्विक्रमस्व॥

शल्कैर्प्तिमिन्धान उभौ लोकौ संनेम्हम्। उभयौर्लोकयोर्-ऋध्वाऽति मृत्युं तराम्यहम्॥

मा छिदो मृत्यो मा वंधीर्मा मे बलं विवृहो मा प्रमोषीः । प्रजां मा मे रीरिष आयुरुग्र नृचक्षसं त्वा हविषा विधेम॥ मा नों महान्तंमुत मा नों अर्भुकं मा न उक्षेन्तमुत मा ने उक्षितम्। मा नोंऽवधीः पितरं मोत मातरं प्रिया मा नेस्तुनवों रुद्र रीरिषः॥ मानस्तोके तनये मा न आयुष्टि मा नो गोषु मा नो अश्वेषु रीरिषः। वीरान्मा नों रुद्र भामितोऽवधीर्हिवष्मन्तो नर्मसा विधेम ते॥ प्रजापते न त्वदेतान्यन्यो विश्वां जातानि परिता बंभूव। यत्कांमास्ते जुहुमस्तन्नो अस्तु वयङ्क स्याम पत्तयो रयीणाम्॥

यतं इन्द्र भयामहे ततों नो अभयं कृधि। मर्घवन्छुग्धि तव तन्नं ऊतये विद्विषो विमृधौ जहि॥

स्वस्तिदा विशस्पतिर्वृत्रहा विमृधौ वशी। वृषेन्द्रः पुर एतु नः स्वस्तिदा अभयङ्करः॥

त्र्यम्बकं यजामहे सुगन्धिं पुष्टिवधनम्। उर्वारुकिमिव बन्धनान्मृत्योर्मुक्षीय माऽमृतात्॥

अपंमृत्युमपक्षुधम्। अपेतः श्वापथं जिह। अधा नो अग्न आर्वह। रायस्पोषर्ं सहस्रिणम्॥

ये ते सहस्रमयुतं पाशाः। मृत्यो मत्यीय हन्तवे। तान् यज्ञस्य

माययाँ। सर्वानवंयजामहे॥

जातवेदसे सुनवाम सोमं मरातीयतो निदंहाति वेदः। स नः पर्षदिति दुर्गाणि विश्वां नावेव सिन्धुं दुरिताऽत्यिप्तः॥

भूभुंवः स्वः। ओजो बलम्। ब्रह्मं क्ष्र्त्रम्। यशौ महत्। स्त्यं तपो नाम्। रूपममृतम्। चक्षुः श्रोत्रम्। मन आयुः। विश्वं यशौ महः। समं तपो हरो भाः। जातवेदा यदि वा पावकोऽसि। वैश्वानरो यदि वा वैद्युतोऽसि। शं प्रजाभ्यो यर्जमानाय लोकम्। ऊर्जं पुष्टिं दर्दद्भ्यावेवृत्स्व॥

मृत्युनीश्यत्वायुर्वर्धतां भूः। मृत्युनीश्यत्वायुर्वर्धतां भुवः। मृत्युनीश्यत्वायुर्वर्धताः सुवः। मृत्युनीश्यत्वायुर्वर्धतां भूर्भुवः सुवः। मृत्युनीश्यत्वायुर्वर्धताम्॥

This PDF was downloaded from http://stotrasamhita.github.io.

 ${\sf GitHub: \ http://stotrasamhita.github.io \ | \ http://github.com/stotrasamhita}$

Credits: http://stotrasamhita.github.io/about/